



DIAMARS 10 APRIL 1962

ANJA 23

Plan arubano di 10 anja

Desarrollo pesquera pa medio di school i cooperativa ta seriamente pensa

Robins's Farm cu 30 unidad?

ORANJESTAD, 10 april — Den e plan di 10 anja di Aruba, ta drenta detalladamente den e medidanan cu mester ser tumada pa desarrollo pesquera na Aruba. Cu bista riba calculo di cantidad di p'sca den awanan den cercania y e prijs halto di p'sca pa insuficiente transporte, BC a pone pa den anjanan venidera di tuma e caso aqui seriamente na pecho, mas tantu ainda pasobra pesqueria ta forma un existencia pa hopi hende. Entre mas tabatin discusion di un escuela pesquera y cooperativanan di pesca.

Respecto esei nan ta bisa precisamente lo siguiente den e plan Arubano di 10 anja:

El transporte actual di p'sca fresco cu como alimento di pueblo no ta suficiente. Continuamente ta socede cu interesadonan absolutamente no por hanja p'sca mes i ta pa via dije minima cantidad aki mes ta socede cu e p'sca ta ser bendi abordo di barcanan na e prijs alto di f. 1.50 pa kilo.

Pa trece cambio den e situacion actual i logra e arreglo di p'sca como un medio di existencia i de nificacion, ta necesario na prome luga instalacion di un sistema de piscicultura moderno di piscicultura i abundancia di p'sca den awanan rond di Aruba i ademas e mehor metodo di p'sca.

Pendiente di resultadonan dije investigacion aki mester tuma na consideracion siguiente medidanan:

- a. organizacion di un school di pesca pa sinja piscadoran tecnicamente moderno di piscicultura;
- b. concedimento di ayudo na piscadoran.

c. reorganizacion di bendenan di p'sca i mehoracion di facilidadnan di muelle.

Duracion dije investigacion aki ta calcula pa un anja i e gastunan ta calcula pa f. 120.000.—

Si acaso e resultadonan durante e anja di investigacion ta bon of satisfactorio, otro ta sigui cu e programa mas ariba mencionada. Si acaso socede cu e experiencia nan no ta favorable, otro den curso di mas tantu anja lo por ehecuta un plan mas simple.

Escuela pesquera

Cu bista riba e eventual instalacion di school di pesca a ser pensa riba un curso

di miltar anja. Y como cu aki ta asunto di training di adultonan, como regla e debenan pa cu nan familia, ta necesario pa gobiernu tuma e piscadoran cu ta train durante e periodo di den su servicio.

Gastunan dije school, incluyendo sueldonan, ta ser calcula alrededor di f. 100.000.— pa anja; pa e sobra 9 anja di plan di desarrollo otro f. 900.000.

Cooperativa pesquera

Na e piscadoran cu durante nan educacion a duna prueba di interes suficiente i energia progresista, mester hanja ayudo den sistema di financiamiento na bato i cosnan necesario cu ta pertenece na piscicultura. Pa esakinan ta haci un calculo di f. 400.000.—

Tambe pa instalacion di motornan di diesel tin necesidad di un suma. Ta mester recomendacion, cu e ayudo financiero ser dirigi via un cooperacion cu lo por ser institui, cu alavez lo organiza e venta di p'sca. E cooperacion aki lo mester por dispone di un fondo di f. 600.000.—

Mehoracion di facilidadnan di waf

E mehoracion existi di facilidadnan di waf ta cu principalmente riba disposicion di espacio congelacion y productonan, di ijs barata i di un espacio di elaboracion pa e p'sca. Ademas lo tin necesidad tambe di un instalacion di snerlies.

Te necesario cu territorio insular tuma e previsionnan aki na su cuenta. Pa un trahamtu mas sobrio posible di edificacion i instalacion ta ser calcula un suma di f. 350.000.— pa inversion di esaki.

Robin's Farm

Bao di e titulo agricultura y horticultura

cultura, e iniciadonan di e plan arubano di 10 anja ta observa, cu extension dije jardineria nutricional na Paradijs ta muy deseable na un total di 30 unidadnan. Gastunan di esaki ta ser calcula riba f. 3.000.000. Sin embargo den e informacion di esaki ta ser agrega acerca, „como guera cu e farm te alinda ta den un stadium di desarrollo, ta recomendable di spera riba resultado dije empresa pa e anjanan venidera, prome cu bai over na inversion.”

Luego a ser proba foi discusionnan cu tabatin respecto esaki den conferencia di prensa cu BC, cu ya eba e jardineria ta ofrece aspectonan cu ta duna

Algu mas respecto e conferencia di desarme

GINEBRA, 10 april — E delegada sovietico Tsarapkin, a declara ajera nahi, despues di un conferencia di subcomision pa armamentu nuclear dije conferencia di desarme na Ginebra, cu e reunion a cai den un impasse completo.

Segun e circulonan di conferencia Tsarapkin a bisa na e reunion, cu no tin e mas minimo speranza cu Merca lo laga nan plan para un banda pa haci prueba cu arma nuclear den atmosfera. Arthur Dean, e delegado Mericano, a bisa, cu su pais ta desea di pusha e diabel dije prueba nuclear bek den e botter foi di cual el a sali na e pruebaan Sovietico di anja pasa september. Occidente ta prepara di laga Union Sovietica keda cu su prehechonan cu el a hanja riba un manera deshonesto riba e territorio di siencia nuclear, pero solamente na e realizacion di un acuerdo internacional cu control suficiente y eficaz, segun e.

Proyecto mericano pa conferencia di desarme

E sub minister Polaco di exterior a bisa na e conferencia, cu e kestion di un zona liber di arma nuclear den Europa mester ta valido tambe pa otro territorionan. El a muestra na e recien declaracion dije minister Mericano di exterior den cual na e ehecuta critica riba e „Pain-Rapacki”, di Polonia, pa un zona liber di arma nuclear den centro Europa. Segun e sub minister Polaco e declaracion aki ta un paso atras compara cu e declaracion di president Kennedy dia ocho di maart, cu e kestion tocante zonanan liber di arma nuclear mester wordu conduci. E sub comision di Inglaterra, Merca y Union Sovietica, cu ta encarga cu e tratamtu dije kestion di sto peu prueba di arma nuclear a conferencia ayera tardi mas di tres ora. Nan no tabatin ningun resultado.

Ayera Merca a entrega un proyecto di declaracion na e conferencia di desarme na Ginebra di 17 pais tocante e kestion di prohibicion di propaganda di guerra.

Den circulonan occidental di e conferencia nan a bisa, cu Union Sovietica a califica e proyecto Mericano como no suficiente.

E delegado Ruso a bisa, sistematicamente ta bai contra propaganda di paz. Despues e Mericano Dean a propone contra esey, cu Union Sovietica tambe lo por prohibi e bukinan di Marx y Lenin den cual ta pone enfasis riba e inevitabilidad di guerra cu paisnan kapitalista. Den

masha speranza. Ademas Sr. S. Robins no a haci uso dije opcion di tuma over henter e jardineria cerca territorio insular.

Aloé

Tocante cultura di aloé e plan Arubano di 10 anja ta bisa: „E cultura di aloé ta ofrece segun a ser proba foi e reciente investigacion, mas tantu posibilidadnan cu te awor a ser calcula. Sin embargo ta necesario cu e agriculturan mester pone man na obra. Como capital di trabao pa un cooperacion cu lo ser instala bao di vigilancia di autoridat, entre mas pa concenimiento di voorschot pa trece e cultura riba pia a'robé, ta considera necesario un suma di f. 500.000.—

Informando di esaki deputado O.S. Henriquez a duna e explicacion, cu resultado dije cultura aki na Aruba ta ser perjudica, como cu explotacion di aloé na Aruba ta den nan di personanan cu solamente kier exportar ora cu prijsnan di mercado ta favorable. „Tin periodonan cu aloé di Aruba no a ser exporta”, asina sr. Henriquez a bisa, mientras el a continua: „Aloé Arubano sin duda tin un chens riba mercado mundial cu nos kier ta satisfeco cu un ganashi normal”.

Segun palabranan di sr. Henriquez nos a bin comprende cu antes aloé Arubano tabata ocupa di prome luga riba mercado Mericano cu riba e terreno aki ta principal. Sin embargo awor ta aloé Africano ta esun cu a stoot aloé Arubano foi su prome luga.

Diez anja pasa 80 porciento dije aloé cu tabata ser bendi riba mercado di New York tabata consisti di producto Arubano, asina orador a bisa. Sr. Henriquez a mustra cu exportacion di e producto aki na Aruba ta ser haci robez i cu ta necesario cu plantadonan di aloé na Aruba forma un cooperativa, door di cual nan mes por atende nan exportacionnan i pa medio di esei aumenta nan ganashi. Sr. Henriquez ta di opinion cu e aloé Arubano cu ta mas caro, pero alavez mas mehor di esun Africano, atrobe por conquista mercado di New York.

Den e plan menciona BC ta bisa cu ta necesario cu prome cu bai over na reformation di agricultura i horticultura di gana primeramente advenencia di expertonan.

E teksto propio dije punto aki foi (E ta sigi riba pag. 4)

PERMANENCIA DI PRINCESANAN NA ANTILLAS LO TA DURA DOS SEMAN

(Di nos correspondencia na Corsou) WILLEMSTAD, 10 april — E princesanan Irene i Margriet lo permanee como dos semina na Antillas Neerlandes, durante nan bishita den segun mitar di luna di juli p.v. Tambe tin dos siman riba programa di bishita na Surinam. Asina nos ta informa foi fuente digno di confianta.

Tantu gobièrno di Antillas como di Surinam a proyecta un schéma extenso pa e viahe aki, na cual lo trata na duna e princesanan aki un impresion varia di ambos partinan di imperio.

E schemanan aki a ser ofrece awor na La Reina Juliana pa aprobacion. Riba dia 2 di juli e dos princesanan lo yega cu avion na aeropuerto di Hato na Corsou. Nan lo pasa anochi na Corsou i dia 3 di juli lo nan sigui nan viahe pa Paramaribo. E corio bishita na Corsou lo tin un caracter no-oficial. I e mester ser considera como un parti dije viahe na Paramaribo.

Pa e viahe na Paramaribo tin bishitanan proyecta riba nan programa pa tur e seis districionan. Esaki ta nifica anto cu e princesanan lo haci hopi trips den interior, na cual ocasion lo nan haci uso di diferente sorto di medianan di transporte.

Manera nos sa, princesa Irene ta manee como dos siman na Antillas, cu e viahe aki na Paramaribo i cu ta ser explota pa e mester compaña Americano cu a traba Hotel grandi na Aruba.

Riba dia 17 di juli e dos princesanan lo regresa Corsou. Riba programa di Antillas ta para bishitanan natur e cuater territorionan insular. Primeramente e princesanan lo bai islanan ariba, loke ta ser considera alavez pa nan por sosega un poco dije viahe door di Surinam prome cu e bishita na Aruba i Corsou tuma luga.

FATUM—Tel.: 1845 pa tur bo aseguranan

“ADRIAAN & OLIVIER” NA ARUBA

ORANJESTAD, 10 april. — Door dije grupo di escenario di ANV na Corsou a ser presenta diasabra anochi den Cultural Centrum na Aruba e comedia „Adriaan & Olivier”, cu liden e hoofdrolnan Dick van der Werf i Jan Drogos. Lastimamente cu e funcion cu a ser regista pa Tatjana Radier, no a cai masha na smak. E mehor artistanan dije 11, cu continuamente tabata aparece riba escenario, tabata sin duda ambos persona ya menciona di hoofdrol. Tabata un anochi di desenganjo pa e sala cu tabatin un auditorio completo cu na algun momentunan tabata dal nan man den otro.

Sin embargo mester bisa acerca cu „Adriaan & Olivier” ta un comedia masra difícil pa un compania di amateur i nos por observa concluyendo, cu e grupo di escenario Curazolenjo a cuminsa mucho alto, loke ta lastima. Pa trece e humor particular di „Adriaan & Olivier” en realidad humoristicamente riba escenario, ta necesario di masha hopi talento di escenario. E decoran di baas Pelli-kaan tabata masha bon. E parti mas mehor dije comedia nos por a mira diasabra anochi den quita acto den cual e mudacion, notorio di imaginan a jama nos atencion.

C.U. STA. CRUZ TA TENE LECTURA SEMANAL

SANTA CRUZ. — Directiva di Credit Union Santa Cruz a informa nos, cu den futuro nan ta spera di tene lectionnan riba diferente tema pa e miembronan di e Credit Union. E siman aki, diarazon, durante e prome reunion di lectura nan lo papia tocante FIANZA, cual lo ta na interer di un y tur.

FUTBOL FUTBOL FUTBOL

ARUBA VOETBAL BOND

In presento
AWENOCHE, 10 DI APRIL PA 7.30
den WILHELMINA STADION
T.S.C. vs. SAN NIC. JRS
(Honf-klass)

Entrada: Tribuna f. 0.50



Esaki ta un die ultimo portretan di Arturo Frondizi ainda como president di Argentina. E president a ser obligá di bandonar su puesto, despues di un fuerte presion cu a ser haci riba dije parti di ehercicionan. E crisis argentino a ser motiva pa e hecho dije gran victoria di Peronistanan durante eleccionnan provincial.

Conseho di seguridad ta condena Israel

NEW YORK, 10 april — E Consejo di Seguridad a reprocha Israel en relacion dije atake riba posicionnan di Siria na e Lago di Galilea dia 16 di maart. 11 miembro dije conseho a acepta un proyecto di resolucion cu Merca y Inglaterra a entrega, den cual nan ta yama e atake „un violacion fragante”, dije instrucionnan dije conseho y nan ta haci un peticion na Israel, di en lo futuro pa stap di haci e accion nan ei.

Tur miembro a vota pa e resolucion solamente Francia no a vota.

Tambe e conseho a haci un peticion na Israel y Siria pa cumpli cu e acuerdo di armisticio y di tene nan forzan di guerra pafor dije zona demilitarisa y ademas nan no ta permiti mas trupanan den e territorio cu ta keda cerca dije frontera.

E representante Frances Armand

Barad a yama e proyecto di resolucion „no completo imparitadario y obhetivo”.

Tambe e conseho a tuma algun medidanan pa fortifica e paz y pa evita incidentenan nobo. Asina cu e patrullanan di Naciones Uni den e territorio en relacion ta dispone riba un navio riba e lago di Galilea. Israel a opona su mes semper contra esaki.

Cada vez e conseho ta insisti, cu e comision di armisticio di Siria y Israel mester reanuda nan actuacion.

Prome cu e votacion Israel a hala atras un proyecto di resolucion, cu ta contene un condenacion di Israel y un advertencia cu sancionnan si e pais aki bolbe haci su mes culpabel na e actuacion agresivonan.

Israel a demostra cu su actuacion di luna pasa tabata un actuacion como reaccion riba un actuacion provocativo di banda di Siria.

Manera ta menciona e tanquero-lano „Debbie” ta transporta productonan di Shell Curacao pa Banalre, na unda e petrolero ta ser warda den un numero di winks. Esaki ta asunto di un prof cu un sistema nobo di transportacion door di Shell Curacao N.V. Aquil nos ta alfa „Debbie” riba lamar gancha durante un di su trayectonan bayendo Banalre.

SALUDOS FOR DI HULANDA

ORANJESTAD. — Awo nochi por scucha via Voz di Aruba e programa saludos for di Hulanda, cual ta cuminsa pa 8.15. E saludonan ta bin di Grave, di Lourdes Matthea, di Nijmegen di Carla Wathenen y di Cecilia Oosthuizen.

E meun programa lo ser ripiti diarazon mainta pa 11.45.

TOREAMTU NA MADRID

MADRID, 10 april — Juan Belmonte, kende ta wordu considera como un di e mehor toreadoran di historia, ayera a muri na su finca na Sevilla. El a mueri di un ataca.



Diadomingo mainta un delegacion di Lions Club a entrega e cinco bus-shelternan na comunidad. Sr. Izaak de Cuba, gezaghebber interino di Aruba a accepta e entrega aki na nomber di gobièrno y comunidad durante un ceremonia cortico. Nos ta mira riba e portret aki paa dilanti di e bus-shelter na Noord, di robez pa drechi: sr. Th. Hesele president di Lions Club Aruba, sr. I. de Cuba gezaghebber interino di Aruba, y e lionsnan Jan C. Lacle, Oscar Marugg, Dick Tushick, Joa d'Aguiar y Max Arends.



Apreciable Rosemarie.

Rosemarie, despues di mi salido mi ta bin conta Rosemarie mi problema. Mi tin un joncunan ta nortia mi e ta bin mi cas trahente y nos ta pa casa otro anja. Awor ta sosode cu e joncunan no ta stima mi mas pero e ta stima un otro casa. Un senjora cu 5 yiu. E senjora ey a laga su casa y awor e ta cu mi joncunan. Mi sa cu nan dos ta bin club huntu y ta bala sin salta un pieza. Ora cu mi joncunan a bin mi cas, mi a puntrile kende e mihor ey ta. E ta bisa mi, cu ta un senjora cu e ta lansa wegá di dancu. Pero Rosemarie mi ta gusta ta esey, mi a tende di diferente hende cu nan dos ta cu otro. Rosemarie, ki lo mi por haci pa mi joncunan laga e senjora ey?



Estimada Rosemarie.

Mi ta bin cerca Rosemarie, sperando un bon contesta pa mi dificultad. Rosemarie, algun anja pasa mi mucha homber a nortia mi y bisa mi cu e ta stima mi. Mi tambe a dunela tur mi carino. Mi a kere su palabranan di falsedad y mi a bai asina leu te mi a dunela mi honor.

Poco despues di esey el a cuminsa nortia un amiga di mi. Mi a sinti e cos mas hopi, pero mi no a bisa nada. Mi a pensa esey lo ta mi castigo pasobra mi a dunela mucho confianza. Awor mi a sinti conocé un otro mucha homber y mi a bolbe cuminsa pensa di bira feliz. Pero pa mi seguridad mi a conta e mucha homber aki lo ke e pasa mi antes. E mucha homber a bisa mi cu loke a pasa, e ta pondra mi y esey no ta kile di casa cu mi.

Rosemarie, awor casi tur dia e mucha homber di antes ta scirbi mi carta, of vama mi na telefon, pidi mi p'e bin back cerca mi. E ta scirbi cu e ta stima mi, y cu ta duel e cu el a laga mi. E ta scirbi cu loke el a dancu ta e mes meser dancu. E no tabata sabi cuanto e tabata stima mi prome cu el a comendre cu mi ta bai casa cu otro.

Berdad, Rosemarie, te ainda mi ta warda un recuerdo di amor pa e prome

mucha homber pero mi no por confiele mas y mi ta den dila awor kiko mi mester hiba. E di dos no ta stima hopi. E di prome un tabata stima, pero tur mi confianza a bayina. Duna mi un consejo.

Recuerdo.

Recuerdo.

Mi amiga, berdaderamente un prome amor pa falso of mentiroso cu e ta, ta laga recuerdo boni tempo den nos curazon. Podria semper nos e recuerdo ey la existi. Pero tambe cerca mi, e recuerdo di su falsedad grandi y di e mucha abusador cu el a bandona ho despues cu ho — den ho debilidad — a dunela tur bo carino. Esey tabata mas bieu un caridader di amor. Esor cu ho ta stima awor ta amor berdadero. Mi ta sigur cu ho por bira feliz casando cu e mucha homber di awor.

E mucha homber di antes tin awor un capricho, p'ese y k'er bolbe cerca ho. Bisele bon e, cu ho ta stima e mucha homber aki y cu mehor e larga bo na paz pasobra ho no kier fin nada mas di haci cu el. Si e sigui scirbi ho, debulhe e cartanan, sin tabri nan y cera telefon ora bo reconoce su stem. No permiu e kibra ho teleidat, mi amiga.

Rosemarie.

RESULTADO DI REFERENDUM NA REPUBLICA FRANCES

PARIS, 10 april — E resultado-final di e referendum tene den 90 distrito frances, na cual e votadonan mester a expresa nan mos tocante e politica di De Gaulle encuan-to Argelia, ta lo siguiente:

El Generali Asenbli: 26.983.275
votadon lanti 20.402

Votadon validi	20.402.503
Votadon invalidi	19.300.026
Votadon nort	17.505.473
90,70 per di votadon validi	1.794.553
Votadon contra	9.30 per di votadon validi
Votadon no validi	1.102.477
5,4 per di votadon validi	6.580.772
No a vota	24,38 per di e votadonan inscribi

President De Gaulle a pidi e votadonan pa contesta riba dos pregunta: esta si nan ta aproba su politica Argelino y si nan tin confianza den dje. Riba e dos preguntanan mester a echa esta si of no.

Prensa frances tocante e referendum

E corant frances, cu ta na labor di De Gaulle y esey, cu ta contra di su politica Argelino, ayera den nan comentari nan ta di acuerdo cu otro riba un punto, esey e e resultado di e referendum ta un victoria pa e bote di estado Frances.

Par ejemplo e corant anti De Gaulle, "Le Combat" ta scirbi: Francia den un referendum a expresa su mes na labor di De Gaulle. E autoridat internacional di e president aumen a door di e resultado di e eleccion.

E corant radical derechista "L'Aurore", cu tambe ta hospitalidat contra De Gaulle, ta scirbi: "Awor De Gaulle tin poder pa firma acuerdonan tocante Argelino, cu e ta considera nort. Pero e pretencion cu e resultado di e referendum ta un

A bri trobe Hulanda su gran show di flor di primavera na Kenkenhof. E luga aki a meda inaugura na un manera masha original, como en premier hulandes profesor dr J. de Quay a ser condecora aki pa su mes senjora cu e senjal di honor di floreria Kenkenhof.

EXPLOSION DEN FABRICA DI POLVO

PONT SAINT ESPRIT, 10 april — Den un fabrica di polvo explosivo na Saint na Saint Just d'Ardeche, mas o menos seis kilometer for di Pont Saint Espirit den e departament Gard na sur Francia, tabatin ajera un explosion enorme, sigui pa un serie di explosionnan chiqui. Segun e prome noticianan 20 hende a muri y diferente ta herida.

Mas o menos cuarenta trabajador a cuminsa traha ora cu e explosion a sosode. Gruponan di rescate no por a acerca e fabrica door di un candelera. Por a tende e sonido di e explosion te na un distancia di trinta kilometer. Nubia sera di humu tabata colga riba e fabrica cu ta traha pa defensa nacional. Tur casnan den vecindario a sufrí dancu considerable.

Mas o menos merda tabatin un otro explosion den e fabrica y en conexion cu e peliger di mas explosion nan a evacua tur schoolnan den e ciudad. Te ainda no por bisa nada di e cantidad

Manhattan Store

a cuba di ricibi, specialmente pa
PASCU GRANDI
● **BISTIR PA DAMAS**
un coleccion preciosa den ultimo diseño.
● **SAYA y BLUSA**
"twist", y cu "punta", den gran variacion.
● **FLUS PALM BEACH**
den tur tamajo
● **SPORT COAT**
pa tur ocasion.
TAMBE NOS A RICIGI
KEDS pa homber y mucha
especialmente pa tenis
prijs fl. 4,75 y fl. 3,75.
BIN MIRA y CUMpra NA

Manhattan Store

Na momento di e catastrofe tabatin 76 trahador y binti militar den e fabrica. Aunque cu ta un fabrica particular sin embargo e ta bou di vigilancia militar. E ta traha polvo explosivo pa eheroico.

ATENTADONAN NA ARGELIA

ARGEL, 10 april — A muri ajera na Argel na atentadonan comete como 7 argelino, y 4 a keda herida. Den anochi di ajera pa awe algun kneedhom a explota y a haci dancu na laboratorionan. Nan a sera e universidad. Nan ta kere cu nan a comete e atentadonan aki pasobra aki algun luna nan lo pasa e universidad pa e autoridat argelino. Fientenan bon autorita a declara, cu eheroico secreto lo no comete mas asaltan di banco. For di cuminsamento di e anja aki eheroico a horta mas di 10 millon florin.

Despues dje referendum na Francia

E minister president Frances, Michel Debre, a haci ayera tardi un bisbita na president De Gaulle pa studia e referendum di ayera, asina un bosero a declara ayera nochi. El a yama un noticia, cu e premier a tumu su retiro, completamente infunda.

Nan ta spera en general, cu president De Gaulle, den algun dia lo dicidi cu pronto e lo tene eleccionnan general. E lidernan dje Union Gaullista pa "a republica nobo, ta di opinion, cu eleccionnan pronto, lo ta na labor di e Union Gaullista di un republica nobo.

VICTIMANAN NA ARGELIA

ARGEL 10 april — Ajera 23 persona a muri durante actonan di violencia na Argelia.
E agencia frances di noticia "AFP" ta anuncia despues cu den henter Argelia 26 persona — 21 argelino y 5 europeo — a perde nan bida, mientras cu 67 — 45 argelino, 6 europeo y 16 militar a worde herida.

AMERICA Y PRUEBANAN NUCLEAR

WASHINGTON, 10 april — Merca a indica ajera un segundo territorio den pacifico pa tene eventual pruebanan nuclear nobo.

E comision pa energia atomica a pone delegado di Hawaii e senador Hiram Fong na conocimentu. Nan a avisa bapornan y avionnan di evita for di dia 30 di april e zona aki. E otro territorio di prueba ta keda den vecindario dje isla Christmas.

Prolongacion di prohibicion di partidonan na Sur Africa

PRETORIA, 10 april — E gobierno di Sur Africa a prolonga e prohibicion pa e congreso africano nacional y e congreso panafricano pa un anja mas. Nan a prohibi ambos organisacion poco despues dje tiroto na anja 1960 na Sharpeville. Y for dje tempu ei nan no a aboli e prohibicion.

TA BENDE

Radio „Philips“ di mesa f. 30.—
Pick-up „disco“ „30.—
Kashi pa disco „25.—
Tapiti (color bha) „45.—
Cama cu matras „45.—
Matras „20.—
Dressoir (color blanco) „55.—
Mesa di comedor rondo (color blanco) y 4 stool „125.—
Acudi na: SR. C. TURKENBURG
Ponton 69B, despues di 7 or di anochi

NOBO NOBO NOBO

Nassaustraat 34
E bistr di mas huntu cu bo por haya pa Pasco ta awor traha di Georgette-Chiffon cu su Tafeta di seda y nylon cu ta pas cumé, den tur sorto di colornan moderno. Tambe nos a ricibi Chiffon cu Terlopeto.

BO TAPE-RECORDER TA DEFECTO?

Nos ta drechele pa bo denter di 3 dia.
CASA ELECTRONICA
(Banda di Viana) - Tel. 5371

RIE VAN GALEN KAPSALON

ORANJESTAD (Sabana Blanco) - TEL. 1002
Damas: OFERTA ESPECIAL PA FIESTA DI PASCU GRANDI.
PERMANENT FOR DI FL. 15.—, e.o.
RAYETTE - ZOTOS - BRACK - WELLA - ZWARTKOP - LORIAL
Fl. 12,50 pa luna: semanalmente Shampoo & Ser.
Corta Cabe y Oil Treatment inclui.
HACI BO RESERVACION NA TEMPO!

CEMPRO N.V.

Wayacka - Tel. 2444
Pa tur sorto di blokki usa
CEMENT DI PRIMERA CALIDAD

CONCILIO GENERAL NA CIUDAD VATICANO

CIUDAD VATICANO, 10 april — E kestion di participantenan di otro religion na e proximo concilio general di religion catolica parece, awor ta regla. E dificultad tabata cu e sesionnan di e concilio ta secreto y solamente e berdadero participantenan tin admision.

Parce nan a yega na un solucion door di considera e observadonan como delegadonan di oficialmente ta representa e religion na cual nan ta pertenecer. Nan lo admitti nan e ora ey como observador-delegado. Por lo demas te ainda no ta conoci cua religionnan lo participa como observadonan.

PRINS BERNHARD A REGRESA

DEN HAAG, 10 april — Prins Bernhard a regresa ajera tardi for di Mexico na Palacio na Soesdijk. Prinses Irene tabata presente pa ricibi su tata kende a bini cu helikopter. Prome cu esey prinses Irene a bai Schiphol pa contra cu su tata cynan, pero el a regresa pa laico bon pura pa yega net na tempu ainda pa ricibi su tata kende a bini cu helikopter.

UN BERDAERO

ENCANTO....

ta e coleccion di

BISTIR

cu nos a cuba di ricibi specialmente pa bo ta hon bistr y laci encantadora den dianan di fiesta venidero.

PLAYALUX

Nassaustr. 32 - Tel. 1703

TA BENDE UN FIAT 500

MODEL 1961

BRASIEL 160B - Tel. 5742

Chesterfield Restaurant y Bar

„E mihor lugar pa come“

Haci nos un bisbita y GOZA di e cuminda delicioso, tambe nos ta sirbi tur clase di bebida.
Tel. 5109 (enfrente Wimco) na San Nicolas.

AWOR BO POR CUMpra REFRIGERADORA MARCA „ELECTROLUX“ di corriente

GASTA MENOS CORRIENTE y ta tria mucho mihor!

Di Fl 350.— cash pa'riba

ARUBA TRADING CO.

Gran facilidad di pago.

VERF ANTILLANA



8302 AUG 61 M.P. 23

PA TUR OBHETO den tur colornan.

● DURADERO
● COLOR PERMANENTE

E ta trek facil y ta seca liher.

LO MEHOR!!


pa verifonan profesional y amateur!

CISCO KID

presenta pa cortesia di YORK

e prome cigarilla tamajo IMPERIAL

1. „No tene miedo Matos! Lo mi juda ho pa ho sepa“!
2. „Na unda Matos, di?“ „E la hui“.
3. „Esaki ta esun cu a mata“!



[illegible]



Aquí nos ta mira un portret saca na Habana, di situacion dje prisioneronan politico di Fidel Castro y com nan ta ser trata den nan isolacion. No ta necesario pa bisa acerca cu nan situacion ta triste y deplorable y ta lamanta nos compasion pa nos proximo.

PLAN ARUBANO DI 10 ANJA

(Continuacion di pag. 1)

— informacion di plan Arubano di 10 aña ta:

Estudionan independiente pa desarrollo di agricultura lo cosecha menos exito cu antes, entre otro pasobra e poder di reserva awa di e suelo a reduci pa medio di falta di kler i humus. Ademas e asuntu ta di tal manera cu den clima arido di Aruba tin un intercambio di anjanan masha secul cu anjanan di jobila abundante. Un biala den seis of siete anja Aruba tin un bon anja di jobila. Despues cada di rwa ta bai enteramente.

Replacacion di bosquen ta necesario i posible.

Pe explotacion di sistema venidera cu relacion na desarrollo di agricultura i pa cu replacacion di bosque sin embargo mester cuminsa sistematicamente si acaso kien logra algun resultado permanente. Un investigacion na posibilidadnan di esaki mester fari trahamento dje planman.

Pa un investigacion menciona mester necesariamente di advies di experian. Nan tarea entre otro lo ta: — confirmacion di orientacion pa un politica eficaz di agricultura i e metodnan di trabao cu mester ser aplica aki.

— hacinmento di proposicionnan cu relacion cu legislacion di agricultura cu ta parece necesario:

— trahamento di plan si acaso e experiancia ta existi esei. — pa agricultura cooperativa:

— hacinmento di proposicionnan pa un informacion di agricultura eficaz.

— trahamento di un plan pa replacacion di bosque:

— trahamento di orientacionnan di rindverkalveling cu eventualmente ta necesario pa loke ta menciona eha mas ariba:

Gastunan di e investigacion aki ta calcula riba 1.300.000.— Si acaso un i otro lo por tuma lugar pa medio di door di un dje institucionan di alta escuela di agricultura na Washington quizas esaki lo salí mas barato.

Calculo dje gastu dje ehecucion dje plannan aki manera na ta menciona, ta masha dificil pa bisa di anticipa, tantem nan no ta traha. Por acepta cu e plannan aki por bin costa un suma di f. 3.000.000.—

Tantem cu e actual situacion economico ta dura no por spera cu gruponan grandi di poblacion lo por bolbe bai traha den eunue trobe. E gastunan pa cu desarrollo di agricultura lo no ta rendable tampoco riba korte termijn. Sin embargo en particular nos ta corda riba trahamento di esaki pa hendenan cu bai cu pension di industria petrolera of otro empresanan i cu die manera aki lo por hantia trabao.

CINCO Y SEIS

Resultado di e catedralan di diadomingo 8 di april di 1962. — Cabanan ganador.

Promer careda: Grito (56 kilo) componente di llave 12 di preparador D. Noguera, cu finete Gino Gonzalez. Distancia 1800 metro. Tempo 114 sec.

Di dos careda: Praxiteles (52 kilo) di preparador J.R. Fernandez, cu finete Manuel Camacaro. Distancia 1400 metro. Tempo 84 4/5 sec.

Di tres careda: Ballet (48 kilo) di preparador R. Salazar, cu finete Omar Perez. Distancia 1600 metro. Tempo 99 2/5 sec.

Di cuater careda: Montmartre (51 kilo) di preparador A. Jaciel, cu finete Milton Barra. Distancia 1400 metro. Tempo 83 1/5 sec.

Di cinco careda: Easter (51 kilo) componente di llave 8, di preparador A. Jaciel, cu finete R.D. Guzman. Distancia 1700 metro. Tempo 107 1/5 sec.

Ultimo careda: Coco The Clown (50 kilo) di preparador A. Costa M., cu finete Manuel Camacaro. Distancia 1200 metro. Tempo 71 3/5 sec.

E preparador A. Jaciel cu a laga corre 4 cabai den e catedralan di 5 y 6 a logra 2 victoria, mientras cu Azpuru M. cu a inscribi 7 competidor no a logra ningun triunfo. J.R. Fernandez tambe cu 7 cabai a hantia un victoria cu Praxiteles.

Leo Marquez y J. Perez cu tabatin cada uno 4 cabai tampoco a logra nada. E ganador Coco The Clown ta e unico cu A. Costa M. a laga corre den e prueba. Di parti di e finetanan Camacaro tabatin e mehor resultado ganando 2 di su tres montañan. Moreira cu 5 monta no a logra ningun victoria y tampoco Aranzazu cu 4 monta. Gino Gonzalez su unico monta a resulta un victoria cu e cabai Grito. Algun cambio den e estadisticanan no ta como Jaciel a keda e leader di e preparadonan y Moreira e leader den e finetanan.

E 5 y 6 a duna un resultado satisfactorio. Aunke nos a kere cu e dividiendo lo a resulta mas halto juzgando e ganadonan di cada careda. Den esakinan ta Praxiteles ta e unico promer favorito di catedral. Grito a hantia solamente 4 punto.

Ballet tambe a hantia unicamente 4 punto. Montmartre tabatin 1 punto. Easter y Coco The Clown ta tercer y cuarta favorito di e concurso di Prensa y Radio.

E resultado di 5 y 6 a duna 49 formulario cu 6 cabai cu ta gana cada uno Bs. 17.667.10. Y cu 5 cabai ganador ta 1040 formulario cu ta gana cada uno Bs. 554.90. Tabatin sella 321.789 formulario pa un valor di Bs. 3.072.710.

Con e cabanan a corre?

PROMER CAREDA: — Grito cu tur e 56 kilo di peso a gana e careda den cual Leal II tabata e promer favorito. Gino Gonzalez di principio a trata di domina e careda. Blue Slinger y Leal II ta e unico dosnan cu a duna pelea den e prueba aki. Urmán a logra ocupa di tres lugar sigi pa Blendel cu a cerra e marcador.

DI DOS CAREDA: — Praxiteles e promer favorito di catedral a gana un gran careda yegando 5 cuerpo dilanti di e gran rival High Day. Camacaro a tuma e delantera na salida caba pa mantene su posicion privilegiada te na fin. Ton Boy a wanta su tras te na 100 metro promer cu fin y mester a cede e segundo puesto despues na High Day cu na ultimo a avanza cu forza pesa cu e veranda pa bin ocupa e segundo lugar. Principe de Oro a yega di cuater y Noiseful a completa e marcador.

DI TRES CAREDA: — Ballet a sorprende un gran numero di aficionado ora el a gana e careda cu 1/2 cuerpo dilanti di Koppernik cu ya tur hende a kere ta e ganador. Omar Perez den e recta final a duna un pasada di parti paden pa aventura Koppernik den e propio raya. Crujido cu un avance di ultimo ora a logra di tres puesto sigi pa El Coyunco. Carlino a completa e marcador. Nepote a ser retirá. Beau Parleur no a logra nada.

DI CUATER CAREDA: — Ganador di e careda a resulta Montmartre cu nos a indica den nos pronostico di diasabra como un fuerte rival di e favoritonan. Milton Barra a logra un bunita victoria cu e pupil di Jaciel ganando cu 3 cuerpo dilanti di e avion Jet. Domenico y Treveris e dos eran favoritonan no a actua manera publico a spera di nan. Desde e salida Montmartre a tuma e delantera. Jet y Domenico a trata di alanza e puntero sin resultado.

Segun e peloton tabata yegando e meta mas hopi bentaha e ganador tabata saca. Jet a wanta te na fin pa yega di dos pero Domenico si a keda basta atras y a duna Morgan e di

Tocante infiltracionnan continuo na Nieuw Guinea

HOLLANDIA, 10 april — En relacion cu e accion pa busco militar nan indones cu a infiltra nan a duna e siguiente detayenan. **WAIGEO** — Den anochi di 7 pa 8 di april polis mobil a trece 19 presu, entre cual e comandante di e militar nan indones na e isla. Den curso di diaduna nan a cohe mas presu, di moda cu awor e total di presunan indones ta 45. Un solda indones a muri di e heridanan grave cu el a sufri.

For di e interrogacionnan ta resulta cu e militar nan indones despues di e prome tirotona a drena den panico y nan a hui.

Door di esaki e Hulandesnan a logra bai cu henter nan provision di comestibles. E consecuencia di esaki ta cu e grupo mester a keda un siman largu sin cuminda.

Costa sur di Nieuw Guinea ademas di e detencion ya anuencia di un solda indones na costa sur di Nieuw Guinea. nan a detene un otro solda indones cu nos a hantia gravemente herida. E solda aki a muri durante transport.

Ainda ministerraad no a reuni

Segun nos ta informa oficialmente un reunion di e ministerraad di Hulanda mas trempan lo tuma lugar diarason awor. Di funtionan bon na altura ta informa ademas cu algun miembro di e gabinete a topa ayera mainta pa delibera tocante e asunto di Nieuw Guinea. Nan ta acepta cu ta probable cu e gabinete y e embajador Hulandes na Nieuw Guinea, dr. Van Royen, a participa na e reunion ey. E combersacionnan di orientacion tocante e kestion Nieuw Guinea entre e diferente ministernan y cu e embajador Hulandes na Washington, kende actualmente ta na Hulanda, lo tuma segun circulan bon informacion ta calcula algun dia mas. Pues por acepta asina e mesun fuente fidedigno ta bisa, cu e gabinete Hulandes lo no reuni prome cu su dia normal di reuni, esta diabierna awor.

Indonesia y Nieuw Guinea

Na un parada di forsa aerea indones president Soekarno a bisa den un discurso cu si ta necesario, Indonesia lo trece guerra tocante Nieuw



(Fuera responsabilidad di nos redactor)

Sr. Redactor di Arubanse Courant, fabor duna mi un espacio den bo corant pa mi bala atencion di algun hende cu por califica mi negoshi di traha mesa di kwihl cu mi tin negoshia cu diferente turista cu ta bini Aruba y segun ami cu nan trabao ta haci for di mi copio y cu nan poco experencia di e obra ey, por trece mesanan den un peligro grandi si nan no sa muchu bon di cual palo por sirbi correct pa e mesa como tantu pa e pianan.

E precaucion cu mi kier tuma ta pa esnan cu ta traha e mesanan sin pensa cu e palo por tin peligro of por cohe peligro, of si nan usa palo cu despues ora cu e mesanan ta bechi ta putri.

Awor mi ta pidi por fabor, pa cualkier trahador di mesa di kwihl, cu ta traha na traha e mesanan di kwihl, mester pone su nomber na cada mesa di kwihl y tambe un number registra.

Pa e motibo cu mi mesanan ta sali pa diferente tera for Aruba, manera Corsow, Puerto Rico, Merca, Hulanda, Checoslovakia y otro paisnan, mi kier evita pa e nomber di Aruba danja pa entrega di cual material.

Y si acaso bin reclamo di mal trahao, pa sa cual ta cual. Masha danki pa e espacio concedi.

Jacob Henriquez.

GOBIERNO NOBO NA INDIA

NEW DELHI, 10 april — Krisna Menon ta mantene su puesto di minister di defensa den e gobierno nobo di India cu awe premier Nehru a anuncia. Mayoría di e ministernan di e gabinete nobo a keda cu nan puesto. Entre e seis ministernan di estado tin un dama, senjora dr. Soesjila Nayar, medico di Ghandi.



Mas y mas Europa tambe ta bai aumentando asunto di moda pa caballeronan aya. Y si acaso bo quier ta bisti en realidad, anto bo mester bisti dje manera aqui cu bo garoti, segun un proyecto dje firma italiano Brioni. E modelonan riba terreno di moda di caballeronan a ser teni na un show na Amsterdam.

LIBRA
23 Augustus — 22 September

Awe ta biniendo un aviso pa bo di otro nan. No des-cuida conseho i decision di otro nan mucho line.

LIBRA
23 September — 22 October

Bo ta haci masha bon di traha bo budoget afin di pone bo mes na altura di bo gastonan.

SCORPIO
23 October — 22 November

Por resulta un situacion cu por trece dificultadnan den amor i matrimonio.

SAGITARIUS
23 November — 21 December

Esaki no ta e dia adecuado pa pidi ayudo di otro nan, ni tampoco pa tuma decisionnan interesante.

CAPRICORNUS
22 December — 19 Januari

Sea na bo punto cu tumamento di conoeionnan i amigunon nobo. Cuido cu proposicionnan nobo.

ACUARIUS
20 Januari — 18 Februari

Awe tambe tin hopi acento riba ambicion i debernan. Respetadesco di bo superior nan.

HOROSCOOP DI AWE
Pa cortesía di **BOTICA ARUBA**
„Bo botica di confianza“
tel. 1080-1081

PISCES
19 Februari — 20 Maart

Larga otro nan muntra quico nan ta bal. Spera te ora cu nan duna e prome paso.

ARIES
21 Maart — 20 April

Awe ta un bon dia pa traha un balans den sentido financiero i di loque b'a alanza den ultimo tempo.

TAURUS
21 April — 20 Mei

Otronan ta sensible i un poco dificil. Ta bo turno pa bo larga nan conoece e mehor banda di bo.

GEMINI
21 Mei — 20 Jun

Awe lo bo ricibi hendenan cu ta bin busca conseho bon sera bo. Yuda tantu cu bo por.

CANCER
21 Jun — 22 Jul

Larga interesnan financiero dicidi pa loque bo ta haci i bisa. Esei tin bez ta masha necesario.

LEO
23 Jul — 22 Augustus

Queda awe tambe tan objectivo posible i tene bo cabez calmo. Larga tur cos sigui nan curso.

EL DIARIO DE UNA VIDA presenta pa cortesía di: PIET'S SODA FOUNTAIN

★ e mehor adres pa snacks, tur clase di dushi, softdrinks, ice-cream y revistas



PEPITA pa cortesía di: Antillian Hardware Co

Bo mehor adres pa HERMENT, Y TURMATERIAL DI CONSTRUCCION!

